



Pou Biblikasyon Imedya: 27/04/2023

GOUVÈNÈ KATHY HOCHUL

GOUVÈNÈ HOCHUL ANONSE AKÒ SOU BIDJÈ ETA POU ANE FISKAL 2024 LA

Gouvènè Kathy Hochul te anonse jodi a yon akò pou abòde priyorite prensipal yo nan Bidjè Eta New York pou Ane Fiskal 2024 la. Plan odasye ak fiskalman responab sa fè envestisman istorik nan kominate yo atravè eta a epi fè New York vin pi abòdab, pi fasil pou viv ak pi an sekirite.

"Mwen te pwomèt Nouyòkè yo nou t ap rann eta nou an pi abòdab, pi fasil pou viv ak pi an sekirite, epi bidjè sa a respekte pwomès sa a", **Gouvènè Hochul te deklare.** "Mwen kontan dèské mwen te rive jwenn yon akò ak Prezidan Heastie ak Lidè Stewart-Cousins sou yon bidjè transfòmatif ki amelyore sekirite piblik, transfòme sistèm swen sante mantal nou an, pwoteje klima nou epi envesti nan avni timoun nou yo."

Pwen yo ki nan Bidjè a enkli:

- **Amelyore sekirite piblik** nan bay jij yo plis diskresyon pou mete kosyon pou krim grav; envesti 347 milyon dola nan inisyativ prevansyon vyolans ak zam ki baze sou prèv; 170 milyon pou sipòte aplikasyon refòm dekouvèt pou pwokirè ak defansè yo, ki gen ladan 50 milyon dola nan kapital pou amelyorasyon teknoloji dekouvèt nan Vil New York; 92 milyon dola èd pou finansman pouswit ak defans atravè eta a; ak plis pase 66 milyon dola pou ogmante kantite klas nan akademi Lapolis Eta a ak kantite sòlda ki dedye pou abòde krim grav.
- Envesti 1 milya dola nan **sante mantal** - pi gwo envestisman nan swen sante mantal konplè nan yon jenerasyon - ak transfòme kontinite swen nan ogmante kapasite tretman sikuatrik pou pasyan ki entène yo, elajji dramatikman sèvis pou pasyan ekstèn yo, ak ranfòse kouvèti asirans.
- Kreye yon **sistèm swen sante ki pi solid** pou lavni atravè yon lòt 1 milya dola nan finansman kapital pou swen sante ak kouvèti Medicaid elajji pou plis pase 7.8 milyon Nouyòkè ki gen revni fèb
- Pwoteje **swen sante repwodiktif** nan envesti 100.7 milyon dola pou finanse founisè avòtman, elajji aksè ak swen avòtman pou etidyan SUNY ak CUNY yo, bay aksè ak kontrasepsyon san preskripsyon nan famasi yo, adopte plis pwoteksyon done pou pasyan k ap chèche swen sante repwodiktif, epi ogmante Pousantaj ranbousman Medicaid pou swen avòtman

- **Finansman rekò pou lekòl P-12 yo ak edikasyon siperyè**, ki gen ladan pi gwo kantite Èd pou Lekòl (School Aid) anyèl ki se 34.5 milya dola, finansman total Èd pou Fondasyon (Foundation Aid) pou premye fwa nan listwa, re-otorize 22 lekòl endependan, ki gen ladan 14 nan Vil New York, ak 2.4 milya dola pou nouvo pwojè kapital pou SUNY ak CUNY
- Enplemante nouvo pwogram konplè pou asire **bon jan kalite gadri ki abòdab**, ki gen ladan 500 milyon dola pou yon Pwogram Sibvansyon pou Retansyon Mendèv ak 25 milyon dola pou sipòte Kredi Enpo pou Gadri Anplwayè a, ak yon agrandisman Kredi Enpo pou Timoun pou enkli timoun ki poko gen kat ane yo
- Ogmante **salè minimòm lan** pou twazan, apre salè minimòm Eta a ta ogmante nan yon pouasantaj ki detèmine pa Endis Pri Konsomasyon pou Moun k ap Touche Salè nan Rejyon Iben ak Travayè Biwo yo (Consumer Price Index for Urban Wage Earners and Clerical Workers, CPI-W), sa bay plizyè santèn milye Nouyòkè ki touche salè minimòm yon ogmantasyon salè pou fè fas ak ogmantasyon chète lavi a.
- **Sipòte lokatè yo, ki gen ladan rezidan nan lojman piblik ak lojman sibvansyone ki gen aryere pou lokasyon** atravè yon gwo envestisman nan asistans pou lokasyon pou Otorite Lojman Vil New York (New York City Housing Authority, NYCHA) ak lòt rezidan lojman piblik yo, ansanm ak moun k ap resevwa bon Seksyon 8 ak lòt rezidan lojman sibvansyone atravè Pwogram Asistans pou Lwave Ijans (Emergency Rental Assistance Program, ERAP) lan.
- Epanye **Otorite Transpò Metropoliten (Metropolitan Transportation Authority, MTA)** an anba "falèz fiskal" epi asire estabilite alontèm gras ak ajisteman Taks sou Mobilite Salaryal (Payroll Mobility Tax, PMT) pou pi gwo biznis ki nan Vil New York a 0.6 poustan, sa ki lakòz apeprè 1.1 milya dola; 300 milyon dola nan èd inik eta a; mande pou Vil New York kontribye 165 milyon dola pou finanse sèvis paratranspò; 65 milyon dola pou redwi ogmantasyon pri tikè yo pwopoze sou MTA a; elaji frekans sèvis yo nan tren an ak lanse yon pwogram pilòt ki bay senk wout otobis gratis nan ki mennen nan Vil New York pou amelyore eksperyans kliyan an.
- Lite kont **chanjman klimatik** ak envesti nan **abòdabilite enèji** nan enplemante egzijans zewo emisyon inik nan nasyon an pou konstriksyon nouvo biling, ak elaji kapasite Otorite Enèji New York (New York Power Authority, NYPA) la pou sipòte objektif klimatik New York yo.
- Fè New York vin yon kote ki pi konpetitif pou ogmante djòb ak estimile kwasans ekonomik nan elaji ak amelyore Kredi Taks pou Sinema New York la - youn nan pwogram ankourajman pou pwodiksyon sinema ki pi estab nan peyi a - ki pral bay yon bourad nan endistri sinema New York la, yonn nan pi gwo anplwayè ki gen sendika nan eta a.
- Bati **enfrastrikti ak pwojè kapital** nan tout Eta a, ki gen ladan 1.7 milya pou yon nouvo laboratwa rechèch Depatman Sante (Department of Health, DOH), 2.4 milya pou pwojè transfòmasyon, antreten ak prezèvasyon nan kanpis SUNY ak CUNY yo atravè eta a, 446 milyon dola pou Twazyèm Faz Pwojè Amelyorasyon Aksè Hunts Point, 105 milyon dola pou amelyore Sant Operasyon Ijans Eta a, 51 milyon dola pou Reyabilitasyon ak Ranplasman Pon Hudson Valley, ak plis ankò

- **Sipòte Nouyòkè ki gen andikap yo** nan elaji Pwogram Racha Medicaid la pou moun k ap travay ki ge andikap yo, finanse ak redinamize Konsèy Kowòdinasyon Entè-Ajans pou Sèvis pou Moun ki Soud, Soud-Avèg ak Moun ki gen difikilte pou Tande yo epi ogmante kantite fonksyon Sèvis Sivil Seksyon 55-B a pou ogmante reprezantasyon moun ki gen andikap yo nan mendèv Eta a
- **Ogmante aksè ak ogmante demann pou manje ak pwodwi New York yo** pandan y ap sipòte fèmye yo lè yo ogmante kapasite fabrikasyon manje nan eta a; 10 milyon dola pou sipòte etablisman mache agrikòl, sipèmache yo ak kowoperativ alimantè yo nan kominate ki pa jwenn ase sèvis yo; epi 50 milyon dola sou senk ane pou distri lekòl lokal yo pou sipòte pwodwi agrikòl Eta New York yo nan manje pou timoun lekòl K-12 yo
- Ogmante efò aplikasyon lwa Biwo Jesyon Kanabis ak Depatman Taksasyon ak Finans lan pou **grandi mache legal pou kanabis la davantaj**, ki gen ladann enpoze amann sou operasyon vant an detay ilegal yo ak fèmti boutik sa yo
- **Sipòte granmoun aje New York yo** nan finanse pwogram nan tout eta a pou sipòte vyeyi an plas epi pou konbat eksplwatasyon finansye, abi kont granmoun aje, ak izolman moun ki aje yo, epi ogmante finansman pou Plan Direktè pou Granmoun Aje (Master Plan for Aging, MPA), yon vizyon konplè, entè-ajans pou granmoun aje k ap viv nan Eta New York yo

Avèk yon akò konseptyèl anplas, chanm lejislatif la yo prevwa adopte pwojè lwa yo ki pral pwomilge priorite sa yo. Yo estime Bidjè total la pou Ane Fiskal 2024 la apeprè 229 milya dola kounye a, dapre yon evalyasyon preliminè chanjman yo negosye yo nan pwopozisyon Egzekitif la. Bidjè yo adopte a pral kenbe depans Fon Operasyon Eta a nan mwens pase 3 poustan nan Ane Fiskal 2024 epi li pral ogmante rezèv Eta a nan yon nivo rekò 15 poustan, jan Gouvènè a te pwopoze nan premye mwa administrasyon li a.

###

Lòt nouvèl disponib sou sit www.governor.ny.gov
 Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)